

ক্লাস এইট পর্যন্ত

পাশ-ফেল ফেরাতে বিল এল লোকসভায়

নয়া দিল্লি : ফিরতে চলেছে পাশ-ফেল প্রথা। ১১ আগস্ট লোকসভায় ক্লাস এইট পর্যন্ত পাশ-ফেল প্রথা চালু সংক্রান্ত বিল আনেন মানবসম্পদ উন্নয়ন মন্ত্রকের রাষ্ট্রমন্ত্রী উপেন্দ্র কুশওয়া। ৩ আগস্ট এই বিলটি ক্যাবিনেটে পাশ হয়। নতুন এই বিলে দেওয়া প্রস্তাবে বলা হয়েছে, ক্লাস ফাইভ এবং ক্লাস এইটের চূড়ান্ত পরীক্ষায় অকৃতকার্য হওয়া পড়ুয়াদের পরবর্তী ক্লাসে না উঠিয়ে সেই ক্লাসেই রেখে দিতে পারে রাজ্য সরকার। তবে তার আগে অকৃতকার্য হওয়া পড়ুয়াদের আরও একটি সুযোগ দেওয়া হবে। কিন্তু সেই পরীক্ষাতেও পাশ করতে না পারলে অকৃতকার্য পড়ুয়াদের পরবর্তী ক্লাসে তোলা হবে না। এই মুহূর্তে পড়ুয়ারা চূড়ান্ত পরীক্ষায় পাশ না করতে পারলেও ক্লাস এইট পর্যন্ত তাদের ফেল করানো হয় না। এর ফলে পড়াশোনার মান কমে যাচ্ছিল বলে দাবি করা হয়। (বর্তমান : ১২ আগস্ট ২০১৭)